

第二一八冊

方輿彙編

邊裔典

(卷)

參半部 殊禁部 甘棠部 僧高  
部和羅部 檀婆登部 投  
和部 瞻博部 哥羅舍分部  
修羅分部 甘畢部 多摩其部  
千支弗部 名菴部 婆羅部  
室利佛逝部 驃國部 馬留  
人部  
占城部  
淳泥部 丹眉流部 風毘蠻部  
蒲端部 層檀部 邈黎部 蒲  
甘部  
緬國部 馬八兒部 三峽部 蘇  
祿部 呂宋部 覽邦部 淡巴

一四

一三

一三

部 彭亨部 百花部 刺尼部

蘇吉丹部 磤里部 日羅夏

治部 合猫里部 古里班卒部

南巫里部 麻葉莖部 馮嘉

施蘭部

溜山部 底里部 南渤利部 麻

林部 沙里灣泥部 火刺札部

刺撒部 木骨都東部 不刺

哇部 古麻刺朗部 失刺比部

千里達部 祖法兒部 竹步

部 白葛達部 巴刺西部 佛

郎機部 和蘭部 美洛居部

丁機宜部

南方未詳諸國部

北方諸國總部

(卷)

一五

一六

一七

一八

一九

二五

古今圖書集成

中華書局影印

古今圖書集成

目錄

卷一  
卷二  
卷三  
卷四  
卷五  
卷六  
卷七  
卷八  
卷九  
卷十  
卷十一  
卷十二  
卷十三  
卷十四  
卷十五  
卷十六  
卷十七  
卷十八  
卷十九  
卷二十  
卷二十一  
卷二十二  
卷二十三  
卷二十四  
卷二十五  
卷二十六  
卷二十七  
卷二十八  
卷二十九  
卷三十  
卷三十一  
卷三十二  
卷三十三  
卷三十四  
卷三十五  
卷三十六  
卷三十七  
卷三十八  
卷三十九  
卷四十  
卷四十一  
卷四十二  
卷四十三  
卷四十四  
卷四十五  
卷四十六  
卷四十七  
卷四十八  
卷四十九  
卷五十  
卷五十一  
卷五十二  
卷五十三  
卷五十四  
卷五十五  
卷五十六  
卷五十七  
卷五十八  
卷五十九  
卷六十  
卷六十一  
卷六十二  
卷六十三  
卷六十四  
卷六十五  
卷六十六  
卷六十七  
卷六十八  
卷六十九  
卷七十  
卷七十一  
卷七十二  
卷七十三  
卷七十四  
卷七十五  
卷七十六  
卷七十七  
卷七十八  
卷七十九  
卷八十  
卷八十一  
卷八十二  
卷八十三  
卷八十四  
卷八十五  
卷八十六  
卷八十七  
卷八十八  
卷八十九  
卷九十  
卷九十一  
卷九十二  
卷九十三  
卷九十四  
卷九十五  
卷九十六  
卷九十七  
卷九十八  
卷九十九  
卷一百

卷一百一  
卷一百二  
卷一百三  
卷一百四  
卷一百五  
卷一百六  
卷一百七  
卷一百八  
卷一百九  
卷一百十  
卷一百十一  
卷一百十二  
卷一百十三  
卷一百十四  
卷一百十五  
卷一百十六  
卷一百十七  
卷一百十八  
卷一百十九  
卷一百二十  
卷一百二十一  
卷一百二十二  
卷一百二十三  
卷一百二十四  
卷一百二十五  
卷一百二十六  
卷一百二十七  
卷一百二十八  
卷一百二十九  
卷一百三十  
卷一百三十一  
卷一百三十二  
卷一百三十三  
卷一百三十四  
卷一百三十五  
卷一百三十六  
卷一百三十七  
卷一百三十八  
卷一百三十九  
卷一百四十  
卷一百四十一  
卷一百四十二  
卷一百四十三  
卷一百四十四  
卷一百四十五  
卷一百四十六  
卷一百四十七  
卷一百四十八  
卷一百四十九  
卷一百五十  
卷一百五十一  
卷一百五十二  
卷一百五十三  
卷一百五十四  
卷一百五十五  
卷一百五十六  
卷一百五十七  
卷一百五十八  
卷一百五十九  
卷一百六十  
卷一百六十一  
卷一百六十二  
卷一百六十三  
卷一百六十四  
卷一百六十五  
卷一百六十六  
卷一百六十七  
卷一百六十八  
卷一百六十九  
卷一百七十  
卷一百七十一  
卷一百七十二  
卷一百七十三  
卷一百七十四  
卷一百七十五  
卷一百七十六  
卷一百七十七  
卷一百七十八  
卷一百七十九  
卷一百八十  
卷一百八十一  
卷一百八十二  
卷一百八十三  
卷一百八十四  
卷一百八十五  
卷一百八十六  
卷一百八十七  
卷一百八十八  
卷一百八十九  
卷一百九十  
卷一百九十一  
卷一百九十二  
卷一百九十三  
卷一百九十四  
卷一百九十五  
卷一百九十六  
卷一百九十七  
卷一百九十八  
卷一百九十九  
卷二百

# 古今圖書集成

中華書局影印

欽定古今圖書集成方輿彙編邊裔典

第一百二卷目錄

參半部彙考 附道明國併圖

唐 高祖武德一則

殊禁部彙考

唐 太宗貞觀一則

甘棠部彙考

唐 太宗貞觀一則

僧高部彙考

附武令圖 迦乍國 瑪密國

墮和羅部彙考

附曇陵圖 陀恒圖

唐 太宗貞觀一則

憧婆登部彙考

唐 太宗貞觀一則

圖考 一則

投和部彙考

唐 太宗貞觀一則

瞻博部彙考

唐 高宗顯慶一則

哥羅舍分部彙考

唐 高宗顯慶一則

修羅分部彙考

唐 高宗顯慶一則

甘畢部彙考

唐 高宗顯慶一則

多摩長部彙考

唐 高宗顯慶一則

千支弗部彙考

附婆岸圖 舍波若國 唐 高宗顯慶一則 龍朔一則

名蔑部彙考

唐 高宗龍朔一則

婆羅部彙考

附婆羅公 唐 高宗總章一則

元 仁宗延祐一則

明 成祖永樂二則

圖考 一則

室利佛近部彙考

附利佛誓 唐 高宗咸亨一則 元宗開元一則

驟國部彙考

朱波 突羅朱閣婆 唐 高宗貞元一則

馬留人部彙考

唐 總一則

邊裔典第一百二卷

參半部彙考 附道明國併圖

唐

高祖武德八年參半國入貢

按唐書高祖本紀不載 按真臘傳文單西北屬國

曰參半武德八年使者來道明者亦屬國無衣服見

衣服者共笑之無鹽鐵以竹弩射鳥獸自給

道明國



殊禁部彙考

唐

太宗貞觀二年殊禁入貢

按唐書太宗本紀不載 按南蠻傳環王南有殊禁者汎交趾海三月乃至與婆羅同俗貞觀二年使者上方物

甘棠部彙考

唐

太宗貞觀九年甘棠使者入朝

按唐書太宗本紀不載 按南蠻傳貞觀九年甘棠使者入朝國居海南

僧高部彙考 附武今國 迦乍國 鳩密國

唐

太宗貞觀十二年僧高等國遣使入貢

按唐書太宗本紀不載 按南蠻傳貞觀十二年僧高武令迦乍鳩密四國使者朝貢僧高直水真臘西北與環王同俗其後鳩密王尸利鳩摩又與富那王尸利提婆跋摩等遣使來貢僧高等國未徵後爲真臘所并

墮和羅部彙考 附曇陵國 陀洹國

唐

太宗貞觀 年墮和羅遣使入貢

按唐書太宗本紀不載 按墮和羅本傳墮和羅亦曰獨和羅南距盤盤北迦邇舍弗西屬海東真臘自廣州行五月乃至國多美犀世謂墮和羅犀有一屬國曰曇陵陀洹曇陵在海洲中陀洹一日稱陀洹在環王西南海中與墮和羅接自交州行九十日乃至王姓察失利名婆那字婆末無蠶桑有稻麥麻豆畜有白象牛羊猪俗喜樓居謂爲干欄以白氍朝霞布爲衣親喪在室不食燔屍已則剔髮浴於池然後食貞觀時並遣使者再入朝又獻婆律膏白鸚鵡首有十紅毛齊於翹因丐馬銅鐘帝與之

僮婆登部彙考

唐

太宗貞觀 年僮婆登遣使入貢

按唐書太宗本紀不載 按南蠻傳貞觀中墮和羅僮婆登皆遣使者入貢太宗以聖詔優答僮婆登在環王南行二月乃至東訶陵西迷黎車北屬海俗與訶陵同種稻月一熟有文字以貝多葉寫之死者實金於口以銅貫其體加婆律膏龍腦衆香積薪燔之



婆登國

圖考

按三才圖會婆登國在林邑東西接迷離國南接訶陵種稻每月一熟有文字即書於貝葉死者以金鉛貫於四肢後加婆律膏及沉檀龍腦積薪以焚之

投和部彙考

唐

太宗貞觀 年投和遣使獻方物

按唐書太宗本紀不載 按南蠻傳投和在真臘南自廣州西南海行百日至王姓投和羅名脯邪迄遙官有朝請將軍功曹主簿贊理贊府分領國事分州郡縣三等州有參軍郡有金威將軍縣有城有局長官得選僚屬自助民居率樓閣畫壁王宿衛百人衣朝霞耳金環金縷被頸寶飾革履頻盜者死次穿耳及頰而刺其髮盜鑄者截手無賦稅民以地多少自輸王以農商自業銀作錢類榆莢民乘象及馬無鞍轡繩穿頰御之親喪斷髮爲孝焚尸斂灰於甕沉之水貞觀中遣使以黃金函內表并獻方物

按杜氏通典投和國隋時開焉在南海大洲中真臘之南自廣州西南水行百日至其國王姓投和羅名脯邪迄遙理數城覆屋以瓦並爲閣而居屋壁皆以彩畫之城內皆王宮室城外人居可萬餘家王宿衛之士百餘人每臨朝則衣朝霞冠金冠耳掛金環頸掛金涎衣足履寶裝皮履官屬有朝請將軍總知國政又有參軍功曹主簿城局金威將軍贊理贊府等官分理文武又有州及郡縣州有參軍郡有金威將軍縣有城局其爲長官初至各選官僚助理政事刑法盜賊重者死輕者穿耳及鼻并鑽鬢私鑄銀錢者截腕國無賦稅俱隨意供奉無多少之限多以農商爲業國人乘象及馬一國之中馬不過千匹又無鞍轡唯以繩穿頰爲之節制音樂則吹蠡擊鼓死喪則祠祀哭泣又焚屍以甕盛之沉於水中若父母之喪

瞻博部彙考

唐

按唐書高宗本紀不載 按南蠻傳膽博或曰膽婆  
北距兢伽河多野象羣行顯慶中遣使者入朝

哥羅舍分部彙考

唐

按唐書高宗本紀不載。按南蠻傳哥羅舍分者在南海南東墮和羅修羅分者在海北東距真臘其風俗大略相類有君長皆柵郭二國勝兵二萬。

按杜氏通典哥羅舍分在南海之南其國地接墮和羅國勝兵二萬人其王滿越伽摩大唐顯慶五年遣使朝貢

唐

按唐書高宗本紀不載 按南蠻傳修羅分者在海  
北東距眞臘其風俗大略相類有君長皆柵郭二國  
勝兵二萬

甘畢部彙考

唐

按唐書高宗本紀不載 按南蠻傳甘畢在南海上  
東距環王名旃陀越摩有勝兵五千顯慶中貢方  
物

多摩長部彙考

唐

按唐書高宗本紀不載。按南蠻傳多摩莫東距婆  
鳳西多隆南千支弗北訶陵地東西一月行南北二  
十五日行其王名骨利說云得大卵剖之獲女子美  
色以爲妻俗無姓婚姻不別同姓王坐常東向勝兵  
二萬有弓刀甲稍無馬果有波那婆姿護遮菴摩石  
欄其國經達盧都訶盧君那盧林邑諸國乃得交州

按杜氏通典多摩其國居於海島東與婆風西與多  
隆南與半支跋唐書作  
千支弗華言五山也北與訶陵等國  
接其國界東西可一月行南北可二十五日行其王  
之先龍子也名骨利骨利得大鳥卵剖之得一女子  
容色殊妙即以為妻其王尸羅劬備伊說即其後也  
大唐顯慶中遣使貢獻其俗無姓王居以柵為城以  
板為屋坐獅子座東向衣物與林邑同勝兵二萬餘  
人無馬有弓刀甲稍婚姻無同姓之別其食器有銅  
鐵金銀所食尚酥乳酪沙糖石蜜其家畜有羖羊水  
牛野獸有麋鹿等死亡無喪服之制以火焚其尸其  
音樂略同天竺有波那婆宅護遮菴磨石櫛等果多  
甘蔗從其國經薩盧都思訶盧君那盧林邑等國達  
於交州

千支弗部彙考

附婆岸國

舍取若國

磨臘國

唐

按唐書高宗本紀不載 按南蠻傳顯慶中婆岸干  
支弗舍跋若磨臘四國並遣使入朝千支在西南海  
中本南天竺一屬國亦曰半支跋若唐言五山也北距  
多摩菟

龍朔 年千支弗遣使朝貢  
按唐書高宗本紀不載 按南蠻傳云云

名蔑部彙考

唐

高宗龍朔 年名蔑遣使入貢

按唐書高宗本紀不載 按南蠻傳名蔑東接眞陀恒西俱游南屬海北波刺其地一月行有州三十以十二月爲歲首王衣朝霞氍毹二十取一交易皆用金準直其人短小兄弟共娶一妻婦總髮爲角辨夫之多少王號斯多題龍朔初使者來貢

按杜氏通典名蔑國大唐貞觀中通焉在南海邊界周迴可一月行南阻大海西俱游國北波刺國東臨洄國戶口極多置三十州不役屬他國有城郭宮殿樓櫓並用瓦木以十二月爲歲首其物產有金銀銅鐵象牙犀角朝霞朝雲其俗交易用金銀朝霞等衣服百姓二十而稅一五穀蔬菜與中國不殊

婆羅部彙考 附婆羅公

唐

高宗總章二年婆羅遣使入貢

按唐書高宗本紀不載 按南蠻傳赤土西南入海得婆羅總章二年其王旃達鉢遣使者與環王使者偕朝

元

仁宗延祐四年婆羅公之民遇風飄至溫州疑卽婆羅按元史仁宗本紀延祐四年十月戊午海外婆羅公

之民往賈海番遇風濤存者十四人漂至溫州永嘉縣勅江浙省資遣還鄉

明

成祖永樂三年遣使至婆羅撫諭其王

按明外史婆羅傳婆羅又名文萊東洋盡處西洋所自起也唐時有婆羅國高宗時常入貢永樂三年十月遣使者齎璽書綵幣撫諭其王

永樂四年婆羅國東西二王皆遣使入貢

按明外史婆羅傳永樂四年十二月其國東西二王並使使奉表朝貢明年又貢其地負山海而崇釋教惡殺喜施禁食豕肉犯者罪死王薙髮裹金繡巾佩雙劍出入徒步從者二百餘人有禮拜寺每祭用犧厭貢玳瑁瑪瑙車渠珠白焦布花焦布降眞香黃蠟黑小斯萬曆時爲王者閩人也或言鄭和使婆羅有閩人從之因留居其地其後人竟據其國而王之邸旁有中國碑王有金印一篆文上作獸形言永樂朝所賜民間嫁娶必請此印印背上以爲榮後佛郎機橫舉兵來擊王率國人走入山谷中放藥水流中毒殺其人無算王得返國佛郎機遂犯呂宋

按明會典婆羅國永樂四年東王西王各遣使朝貢賜國王紵絲紗羅共十六匹織金大紅錦手巾一副王妃紵絲紗羅共八匹正副使并從人紵絲紗羅并衣服靴襪貢物珍珠玳瑁殼白焦布花焦布降眞香黃蠟黑小斯

按明一統志婆羅國前代無考本朝永樂四年國王遣其臣勿黎哥等來朝并貢方物土產珍珠玳瑁瑪瑙車渠

按廣東通志永樂四年婆羅國東王西王各遣使來朝以黑小斯充貢物海語圓目黃睛性急專怒木食如猿狻近煙火淚目死出暹羅

婆羅國



圖考

按三才圖會婆羅國其國男女皆佩刀而行與人睦卽刺殺之奔走他所一月之內得獲則償命一月之外出者不論

室利佛逝部彙考 尸利佛逝

唐

高宗咸亨 年室利佛逝遣使朝貢

按唐書高宗本紀不載 按南蠻傳室利佛逝一曰尸利佛逝過軍徒弄山二千里地東西千里南北四千里而遠有城十四以二國分總西曰耶婆露斯多金末砂龍腦夏至立八尺表影在表南二尺五寸國多男子有藥它豹文而犀角以乘且耕名曰它牛豹又有獸類野豕角如山羊名曰零肉味美以饋膳其王號曷蜜多咸亨至開元間數遣使者朝

元宗開元 年室利佛逝入貢冊封為賓義王

按唐書元宗本紀不載 按南蠻傳室利佛逝開元間表為邊吏侵掠有詔廣州撫慰又獻侏儒僧祇女各二及歌舞官使者為折衝以其王為左威衛大將軍賜紫袍金鈿帶後遣子入獻詔宴於曲江宰相會冊封賓義王授右金吾衛大將軍還之

驃國部彙考 朱波 突羅朱 闍婆

唐

德宗貞元 年驃國遣使貢其國樂

按唐書德宗本紀不載 按南蠻傳驃古朱波也自號突羅朱闍婆國人曰徒里拙在永昌南二千里去京師萬四千里東陸真臘西接東天竺西南墮和羅南屬海北南詔地長三千里廣五千里東北袤長屬羊苴咩城屬國十八曰迦羅婆提曰摩禮烏特曰迦梨迦曰半地曰彌臣曰坤郎曰偈奴曰羅丰曰佛代

曰渠論曰婆梨曰偈陀曰多歸曰摩曳餘即舍衛瞻婆闍婆也凡鎮城九曰道林王曰悉利移曰三陀曰彌諾道立曰突曼曰帝偈曰達梨謀曰乾唐曰未浦凡部落二百九十八以名見者三十二曰萬公曰充惹曰羅君潛曰彌綽曰道雙曰道甕曰道勿曰夜半曰不惡奪曰莫音曰伽龍朕曰阿梨吉曰阿梨閣曰阿梨忙曰達磨曰求潘曰僧塔曰提梨郎曰望騰曰擔泊曰祿烏曰乏毛曰僧伽曰提追曰阿未邏曰逝越曰騰陵曰歐咩曰磚羅婆提曰祿羽曰陋蠻曰磨地勃絲彌臣至坤明又有小崑崙部王名茫悉越俗與彌臣同繇坤朗至祿羽有大崑崙王國王名思利泊婆難多珊那川原大於彌臣繇崑崙小王所居半日行至磨地勃欄海行五月至佛代國有江支流三百六十其王名思利些彌他有川名思利毗離肉土多異香北有市諸國估舶所湊越海即闍婆也十五日行踰二大山一曰正迷一曰射靱有國其王名思利摩訶羅闍俗與佛代同經多其補邏川至闍婆八日行至婆賄伽盧國土熱衛路植椰子檳榔仰不見日王居以金為甕廚覆銀瓦爨香木堂飾明珠有二池以金為隄舟楫皆飾金寶驛王姓因沒長名摩羅惹其相名曰摩訶思那王出與以金繩牀遠則乘象嬪史數百人青甕為圓城周百六十里有十二門四隅作浮圖民皆居中鉛錫為瓦荔支為材俗惡殺拜以手抱臂稽顙為恭明天文喜佛法有百寺琉璃為甕錯以金銀丹彩紫鑽塗地覆以錦罽王居亦如之民七歲祝髮止寺至二十有不違其法復為民衣用白氍朝霞以蠶帛傷生不敢衣戴金花冠翠冒絡以

雜珠王宮設金銀二鍾冠至焚香擊之以占吉凶有巨白象高百尺訟者焚香跪象前自思是非而退有災疫王亦焚香對象跪自咎無桎梏有罪者束五竹捶背重者五輕者三殺人則死土宜栽粟稻梁蔗大若脛以金銀為錢形如半月號登伽佗亦曰足彈陀無膏油以蠟雜香代炷與諸蠻市以江豬白氍琉璃器缶相易婦人當頂作高髻飾銀珠非衣青紫裙披羅段行持扇貴家者傍至五六近城有沙山不毛地亦與波斯婆羅門接距西舍利城二十日行西舍利者中天竺也南詔以兵疆地接常羈制之貞元中王雍羌聞南詔歸唐有內附心異牟尋遣使楊加明詣劍南西川節度使韋臯請獻夷中歌曲且令驃國進樂人於是臯作南詔奉聖樂用正律黃鍾之均宮徵一變象西南順也角羽終變象戎夷革心也舞六成工六十四人贊引二人序曲二十八疊舞南詔奉聖樂字舞人十六執羽翟以四為列舞南字歌聖王無為化舞詔字歌南詔朝天樂舞奉字歌海宇修文化舞聖字歌雨露單無外舞樂字歌闍土丁零塞皆一章三疊而成舞者初定執羽簫鼓等奏散序一疊次奏第二疊四行贊引以序入將終雷鼓作於四隅舞者皆拜金聲作而起執羽翟首以象朝觀每拜跪節以鉦鼓次奏拍序一疊舞者分左右舞每四拍揖羽翟首拍終舞者拜復奏一疊蹈舞拍揖以合南字字成倫終舞者北面跪歌導以絲竹歌已俯伏鉦作復揖舞餘字皆如之唯聖字詞未皆恭揖以明奉聖每一字曲三疊名為五成次意奏一疊四十八人分行擊折象將臣禦邊也字舞畢舞者十六人為四列又

舞闌四門之舞遽舞入徧兩壘與鼓吹合節進舞三退舞三以象三才三統舞終皆稽首逡巡又一人舞億萬壽之舞歌天南溟越俗四章歌舞七疊六成而終七者火之成數象天子南面生成之恩六者坤數象西南向化凡樂三千工百九十六人分四部一龜茲部二大鼓部三胡部四軍樂部龜茲部有羯鼓拊鼓腰鼓雞婁鼓短笛大小箏篋拍板皆八長短簫橫笛方響大銅鈸貝皆四凡工八十八人分四列屬舞筵四隅以合節鼓大鼓部以四為列凡二十四居龜茲部前胡部有箏大小篋篋五絃琵琶箏橫笛短笛拍板皆八大小箏篋皆四工七十二人分四列屬舞筵之隅以導歌詠軍樂部金鈸金鐸皆二桐鼓金鉦皆四鉦鼓金飾蓋垂流蘇工十二人服南詔服立闌四門舞筵四隅節拜合樂又十六人畫半臂執桐鼓四人為列舞人服南詔衣絳裙襦黑頭囊金任直畫皮鞞首飾珠額冠金寶花鬘襦上復加畫半臂執羽翟舞俯仰以象朝拜裙襦畫鳥獸草木文以八綵雜華以象庶物咸遂羽葆四垂以象天無不覆正方布位以象地無不載分四列以象四氣舞為五字以象五行秉羽翟以象文德節鼓以象號令遠布振以鐸明采詩之義用龜茲等樂以象遠夷悅服鉦鼓則古者振旅獻捷之樂也黃鍾君聲配運為土明土德常盛黃鍾得乾初九自為其宮則林鍾四律以正聲應之象大君南面提天統於上乾道明也林鍾得坤初六其位西南西南感至化於下坤體順也太簇得乾九二是為人統天地正而三才通故次應以太簇三才既通南呂復以羽聲應之南呂西方金也羽北方

水也金木悅而應乎時以象西戎北狄悅服然後姑洗以角音終之姑故也洗濯也以象南詔背吐蕃歸化洗過日新阜以五宮異用獨唱殊音復述五均譜分金石之節奏一曰黃鍾宮之宮軍士歌奉聖樂者用之舞人服南詔衣秉翟俯伏拜拊合南詔奉聖樂五字唱詞五舞人乃易南方朝天之服絳色七節襦袖節有青標排袷以象鳥翼樂用龜茲胡部金鉦桐鼓鏡貝大鼓二曰太簇商之宮女子歌奉聖樂者用之合以管絃若奏庭下則獨舞一曲樂用龜茲鼓笛各四部與胡部等合作琵琶箏篋皆八大小箏篋第五絃琵琶長笛短笛方響各四居龜茲部前次貝一人大鼓十二分左右餘皆坐奏三曰姑洗角之宮應古律林鍾為徵宮女子歌奉聖樂者用之舞者六十四人飾羅絲襦袖間以八采曳雲花履首飾雙鳳八卦綵雲花鬘執羽為拜拊之節以林鍾當地統象歲功備萬物成也雙鳳明律呂之和也八卦明還相為用也綵雲象氣也花鬘象冠也合奉聖樂三字唱詞三表天下懷聖也小女子字舞則碧色襦袖象角音主木首飾異卦應姑洗之氣以六人略後象六合一心也樂用龜茲胡部其鉦桐鏡鐸覆以綵蓋飾以花趺上陳錦綺垂流蘇按瑞圖曰王者有道則儀鳳在鼓故羽葆鼓栖以鳳凰鉦棲孔雀鏡鐸集以翔鸞鉦桐頂足又飾南方鳥獸明澤及飛走翔伏鉦桐鏡鐸皆二人執擊之具及大鼓工伎之數與軍士奉聖樂同而加鼓笛四部四曰林鍾徵之宮斂拍單聲奏奉聖樂丈夫一人獨舞樂用龜茲鼓笛每色四人方響二置龜茲部前二隅有金鉦中植金鐸二貝二鈴

鉦二大鼓十二分左右五曰南呂羽之宮應古律黃鍾為君之宮樂用古黃鍾方響一大琵琶五絃琵琶大箏篋倍黃鍾簫篋小箏篋竿笙壎篪箏箏黃鍾簫笛倍笛節鼓拍板等工皆一人坐奏之絲竹緩作一人獨唱歌工復通唱軍士奉聖樂詞雅光亦遣弟悉利移城主舒難陀獻其國樂至成都章阜復諸次其聲以其舞容樂器異常乃圖畫以獻工器二十有二其音八金貝絲竹匏革牙角金二貝一絲七竹二匏二革二牙一角二鈴鈸四制如龜茲部周圍三寸實以革擊磬應節鐵板二長三寸五分博二寸五分面平背有柄係以韋與鈴鈸皆飾綵紛以花氈縷為藥螺貝四大者可受一升飾綵紛有鳳首篋篋二其一長二尺腹廣七寸鳳首及項長二尺五寸面飾鹿皮絃一十有四項有軫鳳首外向其一項有條軫有鼉首箏二其一形如鼉長四尺有四足虛腹以鼉皮飾背面及仰肩如琴廣七寸腹闊八寸尾長尺餘卷上虛中施關以張九絃左右一十八柱其一面飾彩花傳以鹿皮為別有龍首琵琶一如龜茲製而項長二尺六寸餘腹廣六寸二龍相向為首有軫柱各三絃隨其數兩軫在項一在頸其覆形如師子有雲頭琵琶一形如前面飾鹿皮四面有牙釘以雲為首軫上有花象品字三絃覆手皆飾鹿皮刻捍撥為舞崑崙狀而形飾之有大匏琴二覆以半匏皆彩畫之上加銅甌以竹為琴作鹿文橫其上長三尺餘頭曲如拱長二寸以條繫腹穿甌及匏本可受二升大絃應太簇次絃應姑洗有獨絃匏琴以斑竹為之不加飾刻木為鹿首張絃無軫以絃繫項有四柱如龜茲

琵琶絃應大簇有小匏琴二形如大匏琴長二尺大絃應南呂次應應鍾有橫笛二一長尺餘取其合律去節無爪以蠟實首上加師子頭以牙爲之穴六以應黃鍾商備五音七聲又一管唯加象首律度與荀勗笛譜同又與清商部鍾聲合有兩頭笛二長二尺八寸中隔一節節左右開衝氣穴兩端皆分洞體爲笛量左端應太簇管末三穴一姑洗二蕤賓三夷則右端應林鍾管末三穴一南呂二應鍾三大呂下托指一穴應清太簇兩洞體七穴共備黃鍾林鍾兩均有大匏笙二皆十六管左右各八形如鳳翼大管長四尺八寸五分餘管參差相次製如笙管形亦類鳳翼竹爲簧穿匏達本上古八音皆以木漆代之用金爲簧無匏音唯驃國得古製又有小匏笙二製如大笙律應林鍾商有三面鼓二形如酒缸高二尺首廣下銳上博七寸底博四寸腹廣不過首冒以麀皮束三爲一碧條約之下當地則不冒四面畫驃國工伎執笙鼓以爲飾有小鼓四製如腰鼓長五寸首廣三寸五分冒以麀皮牙釘形飾無柄搖之爲樂節引贊者皆執之有牙笙穿匏達本漆之上植二象牙代管雙簧皆應姑洗有三角笙亦穿匏達本漆之上植三牛角一簧應姑洗餘應南呂角銳在下穿匏達本柄背皆直有兩角笙亦穿匏達本上植二牛角黃應姑洗匏以彩飾凡曲名十有二一曰佛印驃云沒馱彌國人及天竺歌以事王也二曰讚娑羅花驃云隴莽第國人以花爲衣服能淨其身也三曰白鶴驃云答都美其飛止遂情也四曰白鶴游驃云蘇謾底哩謂翔則摩空行則徐步也五曰鬬羊勝驃云來乃昔有

人見二羊鬬海岸疆者則見弱者入山時人謂之來乃來乃者勝勢也六曰龍首獨琴驃云彌思彌此一絃而五音備象王一德以畜萬邦也七曰禪定驃云擊篳詩謂離俗寂靜也七曲唱舞皆律應黃鍾商八曰甘蔗王驃云遏思略謂佛教民如蔗之甘皆悅其味也九曰孔雀王驃云桃臺謂毛采光華也十曰野鵝謂飛止必雙徒侶畢會也十一曰宴樂驃云嚨聰網摩謂時康宴會嘉也十二曰滌煩亦曰笙舞驃云扈那謂時滌煩譬以此適情也五曲律應黃鍾兩均一黃鍾商伊越調一林鍾商小植調樂工皆崑崙衣絳氍朝霞爲蔽膝謂之被襦兩肩加朝霞絡腋足臂有金寶釧冠金冠左右珥瑠條貫花鬘珥雙簪散以毳初奏樂有贊者一人先導樂意其舞答隨曲用人或二或六或四或八至十皆珠冒拜手稽首以終節其樂五譯而至德宗授舒難陀大僕卿還開州刺史唐次述驃國獻樂頌以獻太和六年南詔掠其民三千徙之柘東

馬雷人部彙考  
唐  
馬雷人以唐時間於中國  
按唐書本紀不載 按南蠻傳環王本林邑也其南大浦有五銅柱漢馬援所植也又有西屠夷蓋馬援還置不去者才十戶隋末率衍至三百皆姓馬俗以其寓故號馬雷人與林邑分唐南境  
按聞見後錄新唐史南詔語中海島溪峒間蠻人馬援南征雷之不誅者謂馬雷人今世謂猴爲馬雷與其人形同耳  
按廣東通志馬人本林邑蠻隨漢馬援流寓銅柱後隨衆來附者也始十戶後率衍至三百皆姓馬其人深目猴喙散居峒落中獻歲時至軍府聽令犒犗不與同羣自爲一種今亦不可復辯矣唐韓愈詩衙時龍戶集上日馬人來謂元旦也

欽定古今圖書集成方輿彙編邊裔典

第一百三卷目錄

占城部彙考一

後周 世宗顯德一則

宋太祖建隆二則 乾德二則 開寶六則 太平興國六則 至道二則 真宗咸平一則 景德二則 大中祥符三則 天禧一則 仁宗天聖一則 慶曆一則 皇祐二則 嘉祐三則 神宗熙寧四則 哲宗元祐二則 徽宗崇寧二則 大觀一則 政和一則 宣和一則 高宗建炎一則 紹興二則 乾道二則 淳熙三則

元世祖至元六則

明太祖洪武十一則 成祖永樂八則 宣宗宣德一則 英宗正統六則 代宗景泰一則 弘治四則 世宗嘉靖一則 憲宗成化七則 孝宗

占城部彙考二

明一統志 占城國山川考 占城國土產考

圖考 一則

占城部紀事

邊裔典第一百三卷

占城部彙考一

後周

世宗顯德五年占城始遣使人貢

按五代史周本紀顯德五年占城國王釋利因德縵使蒲訶散來 按占城本傳占城在西南海上其地方千里東至海西至雲南南鄰真臘北抵驪州其民俗與大食同其乘象馬其食稻米水兕山羊鳥獸之奇犀孔雀自前世未嘗通中國顯德五年其國王因

德縵遣使者蒲訶散來貢猛火油八十四瓶普微水十五瓶其表以貝多葉書之以香木為函猛火油以灑物得水則出火普微水云得自西域以灑衣雖敝而香不減五代四夷見中國者遠不過于闐占城史之所紀其西北頗詳而東南尤略蓋其遠而罕至且不為中國利害云

宋

太祖建隆二年春正月占城國王遣使來朝

按宋史太祖本紀云云 按占城本傳占城國在中國之西南東至海西至雲南南至真臘國北至驪州界汎海南去二佛齊五日程陸行至賓陀羅國一月程其國隸占城焉東去麻逸國二日程蒲端國七日程北至廣州便風半月程東北至兩浙一月程西北至交州兩日程陸行半月程其地東西七百里南北三千里南曰施備州西曰上源州北曰烏里州所統大小州三十八不盈三萬家其國無城郭有百餘村村落戶三百或至七百亦有縣鎮之名土地所出箋沉香檳榔烏楠木蘇木白藤黃蠟吉貝花布絳紋布白氈布藤簞貝多葉算銀鐵錠等物五穀無麥有秬米粟豆麻子官給種一斛計租百斛果實有蓮甘蔗蕉子椰子鳥獸多孔雀犀牛畜產多黃牛水牛而無驢亦有山牛不任耕耨但殺以祭鬼將殺令巫祝之曰阿羅和及拔譯云早教他託生民獲犀象皆輸於王國人多乘象或軟布兜或於交州市馬頗食山羊水兕之肉其風俗衣服與大食國相類無絲蠶以白氈布纏其臂垂至於足衣衫窄袖撮髮為髻散垂餘鬚於其後互市無幣錢止用金銀較量錙銖或

吉貝錦定博易之直樂器有胡琴笛鼓大鼓樂部亦列舞人其王腦後髮髻散披吉貝衣戴金花冠七寶裝纏絡為飾脛股皆露蹻革履無襪婦人亦腦後髻髻無筓梳其服及拜揖與男子同王每日午坐憚官屬謁見膜拜一而止白事畢復膜拜一而退或出遊看象采獵觀漁皆數日方還近則乘軟布兜遠則乘象或乘一木杠四人舁之先令一人持檳榔盤前導從者十餘輩各執弓箭刀槍手牌等其民望之膜拜一而止日或一再出每歲稻熟王自刈一把從者及羣婦女競割之其王或以兄為副王或以弟為次王設高官凡八員東西南北各一分治其事無奉祿令其所管土俗資給之別置文吏五十餘員有郎中員外秀才之稱分掌資儲寶貨等事亦無資奉但給龜魚充食及免調役而已又有司幣廩者十二員主軍卒者二百餘員皆無月奉勝兵萬餘人月給秬米二斛冬夏衣布各二匹至五匹每夕唯王升牀而臥諸臣皆寢於地幕親近之臣見王即叩跪作禮稍疎遠者但拱手而已其風俗正月一日率象周行所居之地然後驅逐出郭謂之逐邪四月有遊船之戲定十一月十五日為冬至人皆相賀州縣以土產物帛獻其王每歲十二月十五日城外縛木為塔王及人民以衣物香藥置塔上焚之以祭天人有疾病旋采生藥服食地不產茶亦不知醞釀之法止飲椰子酒兼食檳榔刑禁亦設枷鎖小過以四人拽伏於地藤杖鞭之二人左右更互捶撲量其或五六十至一百當死者以繩繫於樹用梭槍春喉而殊其首若故殺劫殺令象踏之或以鼻卷撲於地象皆索習將刑人即

今參養之以數論之悉能曉焉犯姦者男女共入牛以贖罪貢國王物者以繩拘於荒塘物充而後出之其國前代罕與中國通周顯德中其王釋利因德漫遣其臣莆訶散貢方物有雲龍形通犀帶菩薩石又有薔薇木灑衣經歲香不歇猛火油得水愈熾皆貯以琉璃瓶建隆二年其王釋利因陀盤遣使莆訶散來朝表章書於貝多葉以香木函盛之貢犀角象牙龍腦香藥孔雀四大食瓶二十使迴錫賁有差以器幣優賜其王

建隆二年占城入貢

按宋史太祖本紀建隆三年九月占城國來獻按占城本傳三年又貢象牙二十二株乳香千斤

乾德四年占城入貢

按宋史太祖本紀乾德四年三月占城遣使來獻按占城本傳乾德四年其王悉利因陀盤遣使因陀

玢李帝婆羅貢馴象牯犀象牙白氈哥緬越諸王妻波良僕瑁男占謀律秀瓊等各貢香藥

乾德五年占城入貢

按宋史太祖本紀不載按占城本傳五年又遣使李咩李被瑳相繼來貢獻

開寶三年占城入貢

按宋史太祖本紀不載按占城本傳開寶三年遣使貢方物雌象

開寶四年悉利多盤副國王李耨王妻郭氏子蒲路鷄波羅等並遣使來貢

按宋史太祖本紀不載按占城本傳云云

開寶五年三月占城國王波美稅遣使來獻方物

按宋史太祖本紀云云

開寶六年夏四月占城國王悉利陀盤印茶遣使來獻方物

按宋史太祖本紀云云

開寶七年春正月占城國王波美稅遣使獻方物

按宋史太祖本紀云云按占城本傳七年又貢孔雀傘二西天烽鐵四十斤

開寶九年占城國遣使朱陀利陳陀野等來貢

按宋史太祖本紀不載按占城本傳云云

太宗太平興國二年二月占城國遣使來貢

按宋史太宗本紀云云

太平興國三年五月占城國遣使獻方物

按宋史太宗本紀云云

太平興國四年十二月占城國遣使來貢

按宋史太宗本紀云云

太平興國六年交州黎桓上言欲以占城俘九十三人獻於京師太宗令廣州止其俘存撫之給衣服資糧遣還占城詔諭其王

按宋史太宗本紀不載按占城本傳云云

太平興國七年十二月占城國獻馴象

按宋史太宗本紀云云按占城本傳七年遣使乘象入貢詔留象廣州畜養之

太平興國八年九月占城國獻馴象

按宋史太宗本紀云云按占城本傳八年獻馴象能拜伏詔畜於京畿寧陵縣

雍熙二年占城國遣使來貢

按宋史太宗本紀雍熙二年二月占城遣使來貢

按宋史太宗本紀不載按占城本傳雍熙四年秋廣州上言雷恩州關送占城夷人斯當李娘并其族一百五十人來歸分隸南海清遠縣

端拱元年占城夷人求附

按宋史太宗本紀不載按占城本傳端拱元年廣州又言占城夷人忽宣等族三百一人求附

淳化元年占城國遣使貢方物

按宋史太宗本紀淳化元年十二月占城遣使來貢按占城本傳淳化元年新王楊陁排自稱新坐佛逝國楊陁排遣使李臻貢馴犀方物表訴為交州所攻國中人民財寶皆為所略上賜黎桓詔令各守境淳化三年占城國來貢

按宋史太宗本紀淳化三年十二月占城國王楊陁排遣使來貢按占城本傳三年遣使李良甫貢方物賜其王白馬二兵器等本國僧淨戒獻龍腦金鈴銅香鑪如意等各優賜之至道元年占城國遣使來貢

按占城本傳雍熙二年其王施利陀盤吳日歡遣婆羅門金歌麻獻方物且訴為交州所侵詔答令保國睦鄰

雍熙三年占城國遣使來貢

按宋史太宗本紀雍熙三年三月占城國遣使來貢按占城本傳三年其王劉繼宗遣使李朝仙來貢儋州上言占城人蒲羅過為交州所逼率其族百口來附

雍熙四年占城夷人來歸

按宋史太宗本紀不載按占城本傳雍熙四年秋廣州上言雷恩州關送占城夷人斯當李娘并其族一百五十人來歸分隸南海清遠縣

端拱元年占城夷人求附

按宋史太宗本紀不載按占城本傳端拱元年廣州又言占城夷人忽宣等族三百一人求附

淳化元年占城國遣使貢方物

按宋史太宗本紀淳化元年十二月占城遣使來貢按占城本傳淳化元年新王楊陁排自稱新坐佛逝國楊陁排遣使李臻貢馴犀方物表訴為交州所攻國中人民財寶皆為所略上賜黎桓詔令各守境淳化三年占城國來貢

按宋史太宗本紀淳化三年十二月占城國王楊陁排遣使來貢按占城本傳三年遣使李良甫貢方物賜其王白馬二兵器等本國僧淨戒獻龍腦金鈴銅香鑪如意等各優賜之至道元年占城國遣使來貢

按宋史太宗本紀至道元年正月占城國王楊陁排

遣使來貢 按占城本傳至道元年正月其王遣使來貢奉表言前進奉使李良甫迴伏蒙聖慈賜臣白馬二匹旗五面銀裝劍五口銀纓槍五條弓弩各五張及箭等戴恩感懼稽首稽首臣生長外國遠天都竊承皇帝聖明威德廣大臣不憚介居海裔遣使入朝皇帝不棄蠻夷山國曲加優賜然臣自爲土長聲勢尚卑常時外國頗相侵撓况以前民庶如芥隨風星散流離各不自保近蒙皇帝賜臣內閉駟駿及旗幟兵器等鄰國聞之知臣荷大國之寵而各懼天威不敢謀害今臣一國安寧流民來復若非皇帝天德加護何以至此臣之一國仰望仁聖覆之如天載之如地臣自思惟鴻恩不淺且自天子之都至臣所居之國涉海綿邈不啻數萬里而所賜之馬及器械等並安全而至皆聖德之所及也自前本國進奉未嘗有旌旗弓矢之賜臣今何幸獨受異恩此蓋天威廣被壯臣土疆臣雖殞身無以上報兼臣貢使往復資給備至恩重山嶽不可具陳今特遣專使李波珠副使訶散判官李磨勿等進奉犀角十株象牙三十株玳瑁十斤龍腦二斤沉香百斤夾箋黃熟香九十九斤檀香百六十斤山得雞二萬四千三百隻胡椒二百斤簾席五前件物固非珍奇惟表誠懇臣生居異域幸遇明時不貴殊珍惟重良馬備皇帝念及外國不罪懇求若使介南歸願垂頒賜臣之幸矣兼臣本國元有流民三百散居南海會蒙聖旨許令放還今有猶在廣州者本國舊有進奉夷人羅常占見駐廣州乞詔本州盡數點集兵籍以付常占令造船船乘便風部領歸國冀得安其生聚以實舊疆至於萬里

感恩一心事上臣之志也上覽表遣使詣廣州詢問願還者悉付波珠使還復賜白馬二匹遂爲常制至道三年三月占城國來貢

按宋史太宗本紀云云

真宗咸平二年占城國來貢

按宋史真宗本紀咸平二年十二月占城國來貢

按占城本傳咸平二年其王楊普俱毗茶逸施離遣使朱陳堯副使蒲薩陀婆判官黎姑倫以犀象玳瑁香藥來貢賜堯等冠帶衣褥有差

景德元年占城國來貢

按宋史真宗本紀景德元年十二月占城國來貢

按占城本傳景德元年又遣使來貢詔以良馬介胃戎器等賜之

景德四年占城遣布祿爹地加奉表來朝

按宋史真宗本紀四年十二月占城來貢

按占城本傳四年遣使布祿爹地加等奉表來朝表函籍以文錦詞曰占城國王楊普俱毗茶室萬頓首言臣聞

二帝封疆南止屆於湘楚三王境界北不及於幽燕仰瞻昌時實邁往跡伏惟皇帝陛下乾坤授氣日月

儲英出震居尊承基御極慈惠敷於天下聲教被於域中業茂前王功芳祖后蒼生是念黃屋非心無方

不是生靈有土並爲臣妾惠風遍布霑澤周行凡沐照臨共增聳扞臣生於邊鄙幸襲華風蟻垤蜂房聊

爲遂性龍樓鳳閣尚阻觀光再念自假天威獲全封部鄰無侵奪俗有舒蘇每歲拜遣下臣問寧上國蒙

陛下恩霑行華福及豚魚特因迴人頒賜戎器臣本土惟望闕焚香歡呼拜受心知多幸曷答洪恩聖君

既念於賓王微懇肯忘於述職今遣專信臣布祿爹地加副使臣除通麻瑕耶耶判官臣皮霸抵一行人力等部署土毛遠充歲貢雖表楚茅之禮實懷魯酒之憂度望磨明甫寬譴戮專信臣等迴日軍器器仗耀武之物伏願重加賜賚蓋念忝爲臣子合告君親服飾車輿威儀斧鉞不敢私制惟望恩頒干冒冕旒不任死罪布祿爹地加言本國舊隸交州後奔於佛遊北去舊所七百里使還賜物甚厚

大中祥符三年占城國來貢

按宋史真宗本紀大中祥符三年八月賜占城國馬及器甲是歲占城來貢

按占城本傳三年國王施離震離鼻麻底遣使朱淳禮來貢

大中祥符四年占城國來貢

按宋史真宗本紀大中祥符四年十一月占城國貢獅子

按占城本傳四年遣使貢獅子詔畜於苑中使者留二蠻人以給養養上憐其懷土厚給資糧遣還

大中祥符八年占城來貢

按宋史真宗本紀大中祥符八年十二月占城來貢

按占城本傳八年遣使波輪訶羅帝來貢訶羅帝因上言有弟陶珠項自交州押馴象赴闕今幸得見欲攜以還許之仍賜陶珠衣幣裝錢

天禧二年占城國來貢

按宋史真宗本紀天禧二年十二月占城國來貢

按占城本傳天禧二年其王尸嚙排摩僕遣使羅皮帝加以象牙七十二株犀角八十六株玳瑁千片乳香五十斤丁香花八十斤荳蔻六十五斤沉香百斤

箋香二百斤別箋一劑六十八斤茴香百斤檳榔千五百斤來貢羅皮帝加言國人詣廣州或風漂船至石塘即累歲不達矣三年使還詔賜尸嘿排摩牒銀四千七百兩并戎器鞍馬

仁宗天聖八年占城國遣使來貢

按宋史仁宗本紀天聖八年占城來貢 按占城本傳天聖八年十月占城王陽補孤施離皮蘭德加拔麻疊遣使李菩薩麻瑕隨琶來貢木香玳瑁乳香犀角象牙

慶曆二年占城獻象

按宋史仁宗本紀慶曆二年十一月占城國獻象三

按占城本傳慶曆元年九月廣東商人邵保見軍賊鄆鄰百餘人在占城轉運司遣使臣二人齎詔書器幣賜占城購鄰致閣下餘黨令就戮之明年十一月其王刑卜施離值星霞弗遣使獻馴象三

皇祐二年占城來貢

按宋史仁宗本紀皇祐二年十二月占城來貢 按占城本傳皇祐二年正月又使俱舍喇波徵收羅婆麻提楊卜貢象牙二百一犀角七十九表二通一以本國書一以中國書

皇祐五年占城國來貢

按宋史仁宗本紀云云 按占城本傳五年四月其使蒲思馬應來貢方物

嘉祐元年占城國來貢

按宋史仁宗本紀嘉祐元年十二月占城國來貢 按占城本傳嘉祐元年閏三月其使蒲思馬應來貢方物還至太平州江岸崩沉失行橐明年正月詔廣州

賜銀千兩

嘉祐六年占城國獻馴象

按宋史仁宗本紀云云

嘉祐七年占城國來貢

按宋史仁宗本紀嘉祐七年占城來貢 按占城本傳七年正月廣西安撫經略司言占城素不習兵與交趾鄰常苦侵軼而占城復近修武備以抗交趾將繇廣東路入貢京師望撫以恩信五月其使頓琶尼來貢方物六月賜其王施里律茶盤麻常楊薄白馬一從其求也

神宗熙寧元年占城來貢

按宋史神宗本紀熙寧元年六月占城來貢 按占城本傳熙寧元年其王楊卜尸利律陀般摩提婆遣使貢方物乞市驛馬詔賜白馬一令於廣州買驛以歸

熙寧五年占城國貢方物

按宋史神宗本紀不載 按占城本傳熙寧五年貢琉璃珊瑚酒器龍腦乳香丁香薑荳蔻紫礦

熙寧七年占城來降

按宋史神宗本紀不載 按占城本傳七年交州李乾德言其王領兵三千人并妻子來降以正月至本

道

熙寧九年占城來貢

按宋史神宗本紀熙寧九年八月庚子占城來貢 按占城本傳九年復遣使來言其國自海道抵真臘一月程西北抵交州四十日皆山路所治聚落一百五大略如州縣王年三十六歲著大食錦或川法錦

大衫七條金縷瑤載七寶裝成金冠躡紅皮履出則從者五百人十婦人執金杵合貯檳榔導以樂王師討交趾以其素仇詔使乘機協力除蕩行營戰權都監楊從先遣小校樊實諭旨實還言其國選兵七千扼賊要路其王以木葉書回牒詔使上之然亦不能成功後兩國同入貢占城使者乞避交人詔遇朔日朝文德殿分東西立望日則交人入垂拱殿而占城趨紫宸大宴則東西坐

哲宗元祐元年八月甲午占城國遣使入貢

按宋史哲宗本紀云云

元祐七年占城來貢

按宋史哲宗本紀元祐七年占城國入貢 按占城本傳元祐七年又表言如天朝討交趾願率兵掩襲朝廷以交趾數入貢不絕臣節難以典師答救書報之而以其使良保故倫軋丹副使傍木知突為保順

郎將

徽宗崇寧三年六月占城入貢

崇寧四年六月占城入貢

按以上宋史徽宗本紀云云

大觀三年十二月占城入貢

按宋史徽宗本紀云云

政和六年占城入貢

按宋史徽宗本紀政和六年十二月占城入貢 按占城本傳政和中授其王楊卜麻疊金紫光祿大夫領廉白州刺史楊卜麻疊言身歷化外不露祿食願得薄授奉給壯觀小國許之 宣和元年封楊卜麻疊為占城國王

按宋史徽宗本紀不載 按占城本傳宣和元年進

檢校司空兼御史大夫懷遠軍節度琳州管内觀察

處置使封占城國王自是每遇恩輒降制加封邑

高宗建炎三年占城國入貢

按宋史高宗本紀建炎三年春正月占城國入貢

按占城本傳建炎三年楊卜麻疊遣使入貢遇郊恩

制授檢校太傅加食邑

紹興二年占城國貢方物

按宋史高宗本紀不載 按禮志紹興二年占城國

王遣使貢沉香犀象玳瑁等答以綾錦銀絹

紹興二十五年占城國王于鄒時蘭巴遣使貢方物

求封爵以其父初封之爵授之

按宋史高宗本紀不載 按占城本傳紹興二十五年

其子鄒時蘭巴嗣立遣使進方物求封爵錫宴於

懷遠驛以其父初封之爵授之報賜甚厚

孝宗乾道三年占城入貢

按宋史孝宗本紀乾道三年十月乙未占城入貢

按占城本傳乾道三年子鄒亞娜嗣掠大食國方物

遣人來貢求封爲其國人所訴詔卻之遂不議其封

乾道七年占城與真臘戰閩人教占城王習騎射以

勝之

按宋史孝宗本紀不載 按占城本傳七年閩人有

浮海之吉陽軍者風泊其舟抵占城其國方與真臘

按宋史孝宗本紀云云  
淳熙三年占城求通商詔不許  
按宋史孝宗本紀不載 按占城本傳淳熙二年嚴  
馬禁不得售外蕃三年占城歸所掠生口八十三人  
求通商詔不許  
淳熙四年占城爲真臘所破國遂亡其地悉歸真臘  
按宋史孝宗本紀不載 按占城本傳淳熙四年占  
城以舟師襲真臘傳其國都慶元以來真臘大舉伐  
占城以復讎殺戮殆盡俘其主以歸國遂亡其地悉  
歸真臘  
元  
世祖至元十五年占城王有內附意詔降虎符授榮  
祿大夫封占城郡王  
按元史世祖本紀不載 按占城本傳占城近瓊州  
順風舟行一日可抵其國世祖至元間廣南西道宣  
慰使馬成旺嘗請兵三千人馬三百匹征之十五年  
右丞唆都以至平遣人至占城還言其王失里咱牙  
信合八刺哈迭瓦有內附意詔降虎符授榮祿大夫  
封占城郡王  
至元十六年占城來獻  
按元史世祖本紀十六年六月占城以珍物及象犀  
各一來獻賜銀鈔衣服幣帛鞍勒弓矢及羊馬價鈔  
等十二月詔諭占城國主使親自來朝 按占城本  
傳十六年十二月遣兵部侍郎教化的總管孟慶元  
萬戶孫勝夫與唆都等使占城諭其王入朝  
至元十七年占城奉表稱臣入貢  
按元史世祖本紀至元十七年八月占城遣使奉表

稱臣貢寶物犀象十一月復遣宣慰敕化孟慶元等  
持詔諭占城國主令其子弟或大臣入朝 按占城  
本傳十七年二月占城國王保寶旦擊囉耶叩南詔  
占把地囉耶遣使貢方物奉表降  
至元十九年占城國納款  
按元史世祖本紀十九年冬十月甲辰占城國納款  
使回賜以衣服 按占城本傳十九年十月朝廷以  
占城國主字由補刺者吾曩威遣使來朝稱臣內屬  
遂命左丞唆都等即其地立省以撫安之既而其子  
補的專國負固弗服萬戶何子志千戶皇甫傑使還  
國宣慰使九求賢亞蘭等使馬八兒國舟經占城皆  
被執故遣兵征之帝曰老王無罪逆命者乃其子與  
一蠻人耳苟獲此兩人當依曹彬故事百姓不戮一  
人十一月占城行省官率兵自廣州航海至占城港  
港口北連海旁有小港五通其國大州東南止山  
西旁木城官軍依海岸屯駐占城兵治木城四面約  
二十餘里起樓棚立回同三梢砲百餘座又木城西  
十里建行宮宇由補刺者吾親率重兵屯守應援行  
省遣都鎮撫李天祐總把買甫招之七往終不服十  
二月招真臘國使速魯贊請往招諭復與天祐甫偕  
行得其回書云已修木城備甲兵刻期請戰  
至元二十年破占城降璽書招徠之  
按元史世祖本紀至元二十年二月令隆興行省遣  
軍護送占城糧船五月行省已破占城其國主補底  
遁去降璽書招徠之 按占城本傳二十年正月行  
省傳令軍中以十五日夜半發船攻城至期分遣瓊  
州安撫使陳仲達總管劉金總把栗全以兵千六百

人由水路攻木城北而總把張斌百戶趙達以三百人攻東面沙嘴省官三千人分三道攻南面舟行至天明泊岸為風濤所碎者十七八賊開木城南門建旗鼓出萬餘人乘象者數十亦分三隊迎敵矢石交下自卯至午賊敗北官軍入木城復與東北二軍合擊之殺溺死者數千人守城餉餽者數萬人悉潰散國主棄行宮燒倉廩殺永賢亞蘭等與其臣逃入山十七日整兵攻大州十九日國主使報答者來求降二十日兵至大州東南遣報答者回許其降免罪二十一日入大州又遣博思兀魯班者來言奉王命國主太子後當自來行省傳檄召之官軍復駐城外二十二日遣其舅寶脫禿花等三十餘人奉國王信物雜布二百匹大銀三錠小銀五十七錠碎銀一甕為質來歸款又獻金葉九節標槍曰國主欲來病未能進先使其槍來以見誠意長子補的期三日請見省官却其物寶脫禿花曰不受是薄之也行省度不可却姑令收置乃以上聞寶脫禿花復令其主第四子利世麻八都八德刺第五子世利印德刺來見且言先有兵十萬故求戰今皆敗散聞敗兵言補的被傷已死國主頗中箭今小愈愧懼未能見也故先遣二子來議赴闕進見事省官疑其非真子聽其還諭國主早降且以問疾為辭遣千戶林子全總把栗全李德堅偕往覘之二子在途先歸子全等入山兩程國主遣人來拒不果見寶脫禿花謂子全曰國主遷延不肯出降今反揚言欲殺我可歸告省官來則來不來我當執以往子全等回營是日又殺何子志皇甫傑等百餘人二月八日寶脫禿花又至自言吾

祖父伯叔前皆為國主至吾兄今字由補刺者吾殺而奪其位斬我左右二大指我實怨之願禽字由補刺者吾補的父子及大拔撒機兒以獻請給大元服召行省賜衣冠撫諭以行十三日居占城唐人會延等來言國主逃於大州西北鴉候山聚兵二千餘并招集他郡兵未至不日將與官軍交戰懼唐人泄其事將盡殺之延等覺而逃來十五日寶脫禿花偕宰相報孫達兒及撮及大師等五人來降行省官引會延等見寶脫禿花詰之曰延等姦細人也請繫縲之國主軍皆潰散安敢復戰又言今未附州郡凡十二處每州遣一人招之舊州水路乞行省與陳安撫及寶脫禿花各遣一人乘舟招諭攻取陸路則乞行省官陳安撫與已往禽國主補的及攻其城行省猶信其言調兵一千屯半山塔遣子全德堅等領軍百人與寶脫禿花同赴大州進討約有急則報半山軍子全等比至城西寶脫禿花背約間行自北門乘象遁入山官軍獲諜者曰國主實在鴉候山立砦聚兵約二萬餘遣使交趾賈臘閣婆等國借兵及徵賓多龍舊州等軍未至十六日遣萬戶張順等領兵赴國主所棲之境十九日順兵近木城二十里賊沒濠堑拒以大木官軍斬刈超距奮擊破其二千餘衆轉戰至木城下山林阻隘不能進賊旁出截歸路軍皆殊死戰遂得解還營行省遂整軍聚糧棚木城遣總管劉金千戶劉涓岳榮守禦至元二十一年占城奉表來獻按元史世祖本紀至元二十一年五月荆湖占城行省言忽都虎忽馬兒等將兵征占城前鋒舟師至舒

眉運港不知所向令萬戶劉君慶進軍次新州獲占蠻始知我軍已還矣就遣占蠻向導至占城境其國主遣阿不蘭以書降且言其國經陵都軍馬虜掠國計已空俟來歲遣嫡子以方物進繼遣其孫路司理勒蠻等奉表詣闕秋七月詔鎮南王脫歡征占城八月占城國王乞回咬都軍願以土產歲修職貢使大盤亞羅日加野大巴南等十一人奉表詣闕獻三象十一月占城國王遣使大羅盤亞羅日加野等奉表來賀聖誕獻禮幣及象二按占城本傳二十一年三月六日咬都領軍回十五日江淮省所遣助咬都軍萬戶忽都虎等至占城咬都舊制行省舒眉運港見營舍燒盡始知官軍已回二十日忽都虎令百戶陳奎招其國主來降二十七日占城主遣王通事者來稱納降忽都虎等諭令其父子奉表進獻國主遣文勞叩大巴南等來稱咬都除蕩其國貧無以獻來年當備禮物令嫡子入朝四月十二日國主令其孫濟目理勒蠻文勞叩大巴南等奉表歸款是年命平章政事阿里海牙奉鎮南王脫歡發兵假道交趾伐占城不果行

明

太祖洪武二年占城遣使朝貢詔封為占城國王賜綵幣曆日

按明外史占城傳占城居南海中自瓊州航海順風一晝夜可至自福州西南行十晝夜可至即周越裳地秦為林邑漢為象林縣後漢末區連據其地始稱林邑王自晉至隋仍之唐時或稱占不勞或稱占婆其王所居曰占城至德後改國號曰環迄周宋遂以

占城爲號朝貢不替元世祖惡其阻命大舉兵擊破之亦不能定洪武二年太祖遣官以即位詔諭其國其王阿答阿者先已遣使奉表來朝貢象虎方物帝喜即遣官齎璽書大統曆文綺紗羅偕其使者往賜其王復遣使來貢自後或比歲貢或間歲或一歲再貢以爲常未幾命中書省管勾甘桓會同館副使路景賢齎詔封阿答阿者爲占城國王賜綵幣四十大統曆三千

按明會典洪武二年賜占城國王大統曆使臣文綺紗羅各一匹仍給冠帶

洪武三年遣使往占城祀其山川頒科舉詔于其國又以其與安南相攻賜詔慰諭

按明外史占城傳洪武三年遣使往祀其山川尋頒科舉詔於其國初安南與占城搆兵天子爲遣使諭解而安南復相侵四年其王奉金葉表來朝長尺餘廣五寸刻本國字館人譯之其意曰大明皇帝登大寶位撫有四海如天地覆載日月照臨阿答阿者譬一草木爾欽蒙遣使以金印封爲國王感戴忻悅倍萬恆情惟是安南用兵侵擾疆域殺掠吏民伏願皇帝垂慈賜以兵器及樂器樂人俾安南知我占城乃聲教所被輸貢之地庶不敢欺陵帝即命禮部諭之曰占城安南並事朝廷同奉正朔乃擅自構兵毒害生靈既失事上之禮又乖交鄰之道已否安南國王令即日罷兵本國亦宜講信修睦各保疆土所請兵器于王何吝但兩國互構而賜占城是助爾相攻甚非撫安之義樂器樂人語音殊異難以遣發爾國有曉華言者其選擇以來當令肄習因命福建省臣勿

徵其稅示懷柔之意

洪武六年占城以海寇劫掠擊破之獻捷于朝賜詔嘉獎又獻安南之捷詔解諭之

按明外史占城傳洪武六年貢使言海寇張汝厚林福等自稱元帥剽劫海上國主擊破之賊魁溺死獲其舟二十艘蘇木七萬斤謹奉獻帝嘉之命給賜加等其冬遣使獻安南之捷帝謂省臣曰去年安南言占城犯境今年占城謂安南擾邊未審曲直可遣人往諭各罷兵息民毋相侵擾

洪武十年占城大敗安南兵安南王燹死

按明外史占城傳洪武十年正月與安南王陳燹大戰燹敗死

洪武十二年占城貢使至中書不以時奏切責丞相又論占城王與安南修好

按明外史占城傳洪武十二年九月貢使至都中書不以時奏帝切責丞相胡惟庸汪廣洋二人遂獲罪十月遣官賜王太統曆及衣幣令與安南修好罷兵洪武十三年占城入貢以與安南構兵賜勅諭其王按明外史占城傳洪武十三年遣使賀萬壽節帝聞其與安南水戰不利賜勅諭之曰曩者安南兵出敗于占城之下占城乘勝入安南之國安南之辱已甚矣王能保境息民則福可長享如必驅兵苦戰勝負不可知而鵲蚌相持漁人得利他日悔之不亦晚乎洪武十六年占城入貢賜之金幣

按明外史占城傳洪武十六年貢象牙二百枝及他方物遣官賜以勘合文冊又賜織金文綺三十二磁器萬九千

洪武十九年占城遣子入朝賀萬壽聖節皇太子亦有獻厚賜賚之命中官送還

按明外史占城傳洪武十九年遣其子寶部領詩那日忽來朝賀萬壽節獻象五十四匹皇太子亦有獻帝嘉其誠賜賚優渥命中官送還

洪武二十年占城復貢方物

按明外史占城傳洪武二十年復貢象五十一匹及伽南犀角諸物帝既加宴賚還至廣東復命中官宴餞給道里費

洪武二十一年以占城奪真臘貢象命行人董紹勅責之占城遣使謝罪仍宴賚如制

按明外史占城傳真臘貢象占城奪其四之一其他失德事甚多帝聞之怒二十一年夏命行人董紹勅責之紹未至而其貢使抵京尋復遣使謝罪乃命宴賜如制

洪武二十四年占城大臣關勝弒王自立遣人來貢詔却之

按明外史占城傳時阿答阿者失道大臣關勝懷不軌謀二十三年弒王自立明年遣太師奉表來貢帝惡其悖逆却之至三十年後連入貢

成祖永樂元年占城入貢告安南侵掠降勅戒諭安南

按明外史占城傳永樂元年以即位詔諭其國其王占巴的賴奉金葉表朝貢且告安南侵掠請降勅戒諭帝可之遣行人蔣賓與王樞使其國賜以絨錦織金文綺紗羅

按明會典永樂元年賜占城國王錦三匹絳六匹

紗羅各四匹王妃紵絲四匹紗羅各三匹後照此例差來王弟王孫初到賞織金羅衣并紵絲衣各一套正賞紵絲六匹紗羅各四匹紵絲衣一套折紗絹二匹正副使初到每人織金羅衣一套正賞紵絲四表裏絹二匹折衣紵絲二表裏正副通事家奴等初到每人賞素羅衣一套正賞紵絲二表裏折紗絹一匹折衣紵絲一表裏從人初到每人絹衣一套正賞折紗絹一匹折衣絹四匹俱與靴襪各一雙其正副使通事人等給賜冠帶及給換例與暹羅國同正將士大頭目及舍人辦事火長總管幹事各項正者每名各烏紗帽一頂角帶一條

永樂二年以安南王奏論占城王占城王仍告安南侵掠帝怒勅責之

按明外史占城傳永樂二年以安南王胡查奏詔戢兵遣官諭占城王而王遣使奏安南不遵詔旨以舟師來侵朝貢人回賜物悉遭掠奪又昇臣冠服印章俾爲臣屬且已據臣沙離牙諸地更侵掠未已臣恐不能自存乞隸版圖遣官往治帝怒勅責胡查而賜占城王鈔幣

永樂四年占城入貢告安南之難詔大發兵討安南勅占城獲越軼者送京師

按明外史占城傳永樂四年貢白象方物復告安南之難帝方大發兵往討乃勅占城嚴兵境上遏其越軼獲者即執送京師

永樂五年占城攻取安南侵地獻俘闕下因貢方物謝恩

按明外史占城傳永樂五年四月攻取安南所侵地

獲賊黨胡烈潘麻休等獻俘闕下因貢方物謝恩帝嘉其助兵討逆遣中官王貴通齎勅及銀幣賜之

永樂六年占城入貢

按明外史占城傳永樂六年鄭和使其國王遣其孫舍楊該貢象及方物謝恩

永樂十年占城貢使乞冠帶予之

按明外史占城傳永樂十年其貢使乞冠帶予之復命鄭和使其國

永樂十三年王師征安南勅占城助兵愆期不進反資賊戰象侵四州十一縣地賜勅切責之

按明外史占城傳永樂十三年王師方征陳季擴命占城助兵尚書陳洽言其王陰懷二心愆期不進反以金帛戰象資季擴季擴以黎蒼女遣之復約季擴

舅陳翁挺侵升華府所轄四州十一縣地厥罪維均宜遣兵致討帝以交趾初平不欲勞師但賜勅切責

俾還侵地王即遣使謝罪

永樂十六年占城遣其孫舍那挫入朝貢方物按明外史占城傳永樂十六年遣其孫舍那挫來朝

命中官林貴行人倪俊送歸有賜

宣宗宣德元年遣使往占城

按明外史占城傳宣德元年行人黃原昌往頒正朔

繩其王不恪所酬金幣以歸擢戶部員外郎

英宗正統元年議定占城三年一貢之例

按明外史占城傳正統元年瓊州知府程瑩言占城

比年一貢勞費實多乞如暹羅諸國例三年一貢帝

是之勅其使如瑩言賜王及妃綵幣然番人利中國市易雖有此令迄不遵

正統六年占城王孫遣使入貢且乞嗣位詔封爲王按明外史占城傳正統六年王占巴的賴卒其孫摩訶貴該以遺命遣王孫述提昆來朝貢且乞嗣位乃遣給事中管驢行人吳惠齋詔封爲王新王及妃並有賜

按明會典正統六年占城王孫等二十三人下程牛二隻羊四隻鵝四隻雞十隻酒四十瓶米二石蔬菜廚料

正統七年占城貢使卒于途遣官賜祭

按明外史占城傳正統七年春述提昆卒於途帝憫之遣官賜祭

正統八年占城來貢

按明外史占城傳正統八年遣從子且揚樂催貢舞牌旗黑象

正統十一年勅占城王遵三年一貢之制

按明外史占城傳正統十一年勅諭摩訶貴該邇安南王黎濬遣使奏王欺其孤幼曩已侵升華思義四

州今又屢文化州掠其人畜財物二國俱受朝命各有分疆豈可典兵構怨乖睦鄰保境之義王宜祇循

禮分嚴飭邊臣毋恣肆侵軼貽禍生靈并諭安南嚴行備禦毋挾私報復初定三年一貢之例而其國不

遵及詰其使者則云先王已逝前勅無存今王不知此令是歲貢使復至再勅王遵制賜王及妃綵幣其

冬復遣使來貢

正統十二年封故王占巴的賴姪摩訶貴來爲王

按明外史占城傳正統十二年其王與安南戰大敗被執故王占巴的賴姪摩訶貴來遣使奏先王抱疾